

續修平利縣志

一  
函  
四  
冊

續修平利縣志卷之八

人物志

節孝

李氏

楊啓勇妻年二十七夫亡氏痛不欲生親族諭以養翁姑大義始強起就食治家勤儉嚴肅事翁姑曲盡孝思翁姑沒喪塋俱盡禮教子秉恒秉性俱入泮年六十一卒雍正四年請旌建坊

黃氏

王作位妻位沒氏年二十有二家壁立夫族又無伯叔親戚勸之改適氏以死誓紡績度日撫養二孤成立邑令王霽給匾獎勵

王氏

劉明世妻明世出征巴爾庫爾家無伯叔兄弟氏

奉養老姑克盡孝道歷久不懈姑病篤氏刲股療之後明世歸家姑壽七旬而沒邑令古澧給匾曰代夫行孝

王氏

庠生古會極妻會極沒氏年二十七無子撫侄爲嗣矢志苦守教嗣子成立邑令孔雲贈匾曰節婉松筠

崔氏

魏必威妻夫病沒氏年二十七遺孤幼穉家亦貧人勸改適氏以死自誓茹荼飲水卒撫二子成立邑令黃寬給匾追獎之

王氏

王福明女年十八適胡世典越七年而典沒氏年二十五苦志守節教二子永倉永敖成立卒年八

十餘署邑令劉琪給匾獎勵

羅氏

王國柱妻柱出征陣亡氏年二十六矢志不嫁孝事翁姑撫育遺孤帝相帝臣成立子帝相任興漢鎮標中營把總

李氏

生員王政從妻政從故氏年一十九遺子王舉甫二歲家貧以織紡度日姑卧病十年氏先意承志甘旨不缺鄉里歎服邑令黃寬給匾曰節孝兩全符節妻節病沒氏年十八無子矢志不肯他適以侄鎮鐸爲嗣治家整肅克盡勤苦鎮鐸成立遊泮母教也邑令黃寬給匾獎勵

陳氏

古氏

彭永壽妻夫出征陣亡遺子連甫六歲家貧姑老

氏以鍼指供養暮年手指拳曲皆勤勞所致也子連早年入庠其得力於熊九之教者素矣乾隆三十四年請旌

王氏

趙良臣妻年二十三夫亡長子紀次子綱俱幼三維遺腹生氏截髮誓守典衣飾買棺營塋姑老失明扶持歷十餘年次子綱三子維俱入伍出征金川維任興漢鎮中營把總乾隆四十二年請旌

梁氏

鍾王彥妻年二十五夫亡遺一子有江甫一歲氏誓不欲生旣而揮淚曰一死何益鍾氏一脈惟此弱孤失於教養謂藁砧何遂矢志守貞延名師教子不事姑息江弱歲遊庠乾隆五十一年請旌

按梁氏生子有江娶駱氏江早世駱氏守節四十  
一載駱氏生子瑞蘭娶李氏蘭早世李氏守節四  
十二載三世三節可敬哉

鄭氏

柯瑞燦妻年二十八守節嘉慶十二年請旌

鄭氏

柯瑞燠妻年二十二守節嘉慶十二年請旌

按興安府志鄭四姐鄭五姐同胞姊妹四姐適柯  
瑞燦五姐適柯瑞燠同胞兄弟也兩婦以夫亡同  
志守貞親老子幼一門雙節詢堪矜式風化

王氏

劉名世妻嘉慶七年二月請旌

劉氏

劉櫟之女生而慧敏因奇疾見廢誓不字奉事父  
母以孝聞歿年六十餘嘉慶十年二月請旌

汪氏

汪和智女嘉慶十三年十二月請

旌烈女

李氏

庠生武汶妻年十八夫亡無出以夫弟武涇之子  
林奎爲嗣青年勵志事姑尤至孝拔貢武廷璽乃  
林奎次子爲李氏嗣孫嘉慶十五年請旌

漆氏

武生武涇之妻年二十五夫亡與孀嫂李氏同矢  
苦節嚴氣正性有丈夫風治家教子皆可以爲法  
生子二長林奎國學生與夫兄武汶爲嗣次子林  
麓增生孫六人皆以科名登顯宦其後克昌皆厚  
德之報也嘉慶十五年請旌

方氏

李顯哲妻年十九夫亡顯哲病語氏曰我疾必不  
起但老母在堂死不瞑目爾能代我養母乎爾有

遺腹倘生男能撫養成立以延宗祀乎氏誓不負  
託夫死設木主於室內凡有所爲稟而後行遺腹  
子自芳年以人泮氏之力也嘉慶二十一年請旌  
詹荆美妻年二十三夫亡母兄王榮周憐其少諷

王氏

以改適氏嚙血自誓兄亦爲之痛泣遺孤世仁甫  
一歲撫育教養備極辛苦嘗訓其子曰我家五代  
單傳宜力行善事以延宗支嘉慶初教匪之亂團  
練鄉勇氏指困助糧無所吝惜寇至義士輒爲之  
捍禦時人比之夫人城焉嘉慶二十四年請旌  
生員楊天位妻年二十一夫亡晝則灌園夜勤紡  
績米粟不繼半以菜羹度日遺子一女一無力延

王氏

師教子以女之聘金取息爲束脩焉道光四年訓  
導艾登甲詳請學憲張給匾額曰苦節幽貞

袁氏

廩生楊經典妻年二十八夫亡遺子開貴幼姑年  
七旬家貧俯仰無所資氏艱苦備嘗孝養老姑撫  
孤成立年七十五卒道光六年請旌

陳氏

洪永昇妻年二十六守節道光八年請旌

李氏

詹忠貴妻年二十八守節道光十年請旌

黨氏

李華春妻年二十五守節道光二十四年請旌

吳氏

盧大順妻年二十九守節道光二十六年請旌

汪氏

盧懋絲妻年二十四守節道光二十六年請旌

康氏

郭祚興妻年二十四守節道光二十六年請旌

羅氏

劉先魁妻年二十五守節道光二十六年請旌

旌

朱氏

汪秀山妻年二十九夫爲教匪所害姑早逝翁亦

相繼卒氏營塋以禮流寇日熾攜四子避賊備極

艱危卒能以耕讀訓子起家貢生汪波其次孫也

年八十餘卒道光二十六年請旌

危氏

王德璋妻年二十二守節道光二十六年請旌

旌

吳氏

楊性斌妻年二十五夫亡夫兄弟五人俱遷湖北

竹谿氏出私蓄置產於湖河夫之伯兄貪其業與

土豪王姓約謀劫嫁之見氏以利刃自衛知不可

奪遂歛跡教五子皆成立其孫盛朝等暨曾孫文

昭秉樞俱列膠庠皆氏培植之力也年七十三卒

咸豐元年請旌

趙氏

程偉妻年二十七守節咸豐元年請旌

余氏

張日貴妻生子一年二十夫亡誓殉夫五日不食其父母教之曰汝家貧上有老姑下有弱子夫弟等均幼穉汝能守節理家政則夫死猶生矣遂遵命守貞與姑同寢處孝名聞於里黨撫遺孤及弱弟皆成立鄉人稱道至今焉年七十九卒咸豐元年

請旌

劉氏

雷其富妻年二十九守節咸豐元年請旌

程氏

陳本鯤妻年二十九守節咸豐元年請旌

夜氏

劉煥遠妻煥年十六隨父遊學京師慮祖父母及

母奉侍無人乃寄書迎夜氏而煥以病卒京邸夫婦未成禮議者欲嫁之氏哭誓曰妾幼許劉氏生爲劉氏婦死當爲劉氏鬼幼依父讀內則孝經何爲者倘再見逼惟有死耳因以族子爲之嗣後翁部銓郿縣教諭竟遷於郿前陝西督糧道翁公愍其節贈有傳年五十八卒咸豐元年請旌

## 殷氏

朱德倫妻年二十四夫亡生二子文魁文舉氏教之有禮法魁子有辛娶黃氏生應榮舉子有義娶楊氏生應華辛義皆早歿黃氏楊氏以青年守志不數年魁舉俱死二氏孝事祖姑撫二子成立貢生丁光斗採訪節婦至其家二氏泣訴往事且悲

且喜曰吾家得賢士採訪苦節獲伸今而後太姑之心慰兩孫媳之心亦慰矣史公夢軒贈一匾曰勉紹清節殷氏年七十六卒咸豐元年請旌

盧氏

田萬朝妻年二十四守節咸豐元年請旌

駱氏

鍾有江妻年二十五守節生子瑞蘭亦早卒娶李

氏生子一氏勸媳曰家計曰艱汝可嫁矣李氏泣曰姑能守節以事守節之太姑媳竟不能守節以事守節之姑乎姑媳相抱而哭悲動鄰人駱氏年六十六卒鍾氏之清節於是三世矣咸豐元年請

旌

劉氏

任芝蕙妻年二十四守節咸豐元年請旌

杜氏

魏波宴妻年二十三夫亡生子學珍甫一月氏性烈晝夜抱兒於懷惟恐有意外失翁強逼之嫁輒斷髮破面以示意翁與析居給薄田一畝房一間亦歡然無難色晝耕則負兒於背夜紡則眠兒於懷其苦如此後仍孝養翁姑不失婦道焉子學珍養曹氏女爲媳珍死曹年二十亦誓與姑同守先姑二年卒貢生丁光斗曾以二氏事兩請於戴羅二學使給有匾額杜氏年七十四卒盛堯年請旌

江氏

王爲榮妻年二十七守節咸豐元年請旌

屈氏

洪天佑妻年二十一生一子夫亡絕粒投環者再家人恒守護之無何子亦夭氏撫兒骸呼天泣曰

未亡人之所以苟延殘喘者爲此孤耳今何望乎  
暈絕復甦後撫夫兄子爲嗣年五十一卒咸豐元  
年請旌

曾氏

洪篤周妻年二十二夫亡咸豐元年請旌

李氏

楊良棟妻年二十五守節咸豐元年請旌

王氏

儲達爽妻年二十九守節咸豐元年請旌

柯氏

黃德大妻年二十三夫溺死生子賢弼未三月氏

誓撫遺孤叔翁無行欲強嫁之不得則謀劫買之

氏遂抱子逃山洞中數日得脫愬於縣縣令執其

叔翁笞之事得已咸豐元年請旌

陳氏

胡宗榜妻年二十九守節咸豐元年請旌

李氏

監生汪清妻年二十七夫亡生子三夫病刲右肱肉啖之寢不解衣者終年夫死絕粒投環家人勸止之先是氏姑張氏病氏刲左肱肉啖之得愈後事繼姑黃氏值黃病氏禱於神又將爲刲肉之舉家人覺之邏守焉至老兩手創痕宛然里中嘉歎咸豐元年請旌

顧氏

孫學忠妻年二十八守節咸豐元年請旌

吳氏

柯隆貞妻年二十六守節咸豐元年請旌

盧氏

武生汪大魁妻年二十七守節咸豐元年請旌

蕭氏

余啓鵬妻年二十五守節咸豐元年請旌

胡氏

張信發妻年二十三守節咸豐元年請旌

楊氏

柴元吉妻年二十二守節咸豐元年請

旌

陶氏

陳以全妻年二十五守節咸豐元年請

旌

陳氏

監生韓長青之側室年二十五守節咸豐元年請

旌

邢氏

庠生王化永妻年二十七守節咸豐元年請

旌

邢氏

聶步青妻年二十七守節咸豐元年請

旌

劉氏

任宗遠妻年二十二守節咸豐元年請

旌

譚氏

周繼青妻年二十七守節咸豐元年請

旌

嚴氏

黨孝忠妻年二十七守節咸豐元年請

旌

彭氏

貢生吳方義妻年二十三夫亡遺一女前室有三

子俱幼上有八旬祖姑族人窺氏年少欲奪其志